

EW NAMOPUNG

A awora ukukun \$356,975 seni ewe Monienapen ewe Legislature-un Chuuk ren fan asengesi angangen me mwokutukutun ewe Legislature non ekkewe unungat nussun quarterin, ewe Fiscal Year 1979, me ren pwan ekkoch popun.

Epwe Pung me ren ewe Legislature-un Muun Chuuk pwe:

Tetten 1. Iei a kawor ukukun \$356,975, ika fite ukukun mei namot ren an epwe tongeni naaf, seni ewe Monienapen ewe Legislature non Chuuk ren fan asengesi monien mwokutukutun ewe Legislature non ekkewe unungat nussun quarterin ewe Fiscal Year 1979, epweiei usun tettenin:

1. Staff Salary . . . . .	\$ 75,800
2. Temporary Employees . . . . .	6,000
3. Staff Travel . . . . .	9,000
4. Entertainment Fund . . . . .	4,000
5. Building & Ground Maintenance . . . . .	3,250
6. Vehicle Maintenance . . . . .	1,500
7. Office Supply & Equipment . . . . .	12,250
8. Legislator Allowance . . . . .	31,500
9. Legislator Compensation . . . . .	165,155
10. Budget Review Board . . . . .	1,500
11. Legislature Library . . . . .	4,000
12. Boards & Commissions . . . . .	1,500
13. District Travel Fund . . . . .	10,000
14. Miscellaneous Fund . . . . .	500
15. Transportation for Outer Island Legislator to District Center . . . . .	500
16. Life Insurance . . . . .	1,000
17. Standing Committee Fund . . . . .	25,000
18. Social Security . . . . .	4,520

Tetten 2. Ei ukukun moni mei kawor non Tetten 1 epwe einet ika nongeni Speaker, ewe epwe wisen tumunu nounoun me mwokutukutun ewe moni ren an epwe chok fiti meta mei affat me non Tetten 1 ren mwokutukutun ewe moni, esap pwan wor katoun me nounoun ei moni epwe nap-seni ei ukukun mei kawor.

Met ukukun ei moni ese mwo it ne nounou ika nussuno non September 30, 1979, epwe niwinsefan ngeni ewe Monienapen Legislature.

Tetten 3. Ewe Speaker epwe awora an report won napanapen nounoun me mwokutukutun ei moni ngeni ewe Legislature me mwen May 15, 1979, epwe affa-tetiwi:

- (1) unusen porausen nounoun ewe moni, fongon me ukukun nussun mei chuen wor non April 30, 1979;
- (2) met sakkun atoot ika anapanap ren ewe nussun moni ese mwo it ne nounou non April 30, 1979, an epwe nounou non ekkewe nimu amuchunoon maramen ewe Fiscal Year; pwan
- (3) awora anapanapen ukukun moni epwe kawor ren fan asengesin mwokutukutun ewe Legislature non Fiscal Year 1980.

Tetten 4. Ewe Speaker mei mumu ngeni an epwe amweta monien ew me ew ekkewe mettoch nefinen Kinikinin-Tetten (1) tori (18) non Tetten 1 me non ei Annuk, NGE, esap chok wor och amwet epwe nap seni engon percentin unusen monien ewe kinikinin-Tetten.

Tetten 5. Fan pungun Tetten 504, ltenap 21 me non ewe Pukenapen Annukun Chuuk, an ekkewe staff salary levels ika oukukun ar levels ren niwinir non nussun ewe Fiscal Year 1979 epwe kanapene seni ar kewe level non Fiscal Year 1978 won 3%.

Tetten 6. Ei Namopung epwe poputa pochokunan fansoun chok an a kapunguno me ren ewe Kepina, ika pusin winita annuk nge ese mwo pwan chiwen kapunguno.

Sain seni: Tadashi C. Wainit  
Tadashi C. Wainit, Speaker  
Truk Legislature  
Truk District Government

Annetata: Datasi Albert  
Datasi Albert  
Legislative Clerk/Secretary  
Truk Legislature  
Truk District Government

Pwinin maram: 12/1/79

A kapunguno seni: Erhart Aten  
Erhart Aten, Kepina  
Truk District Government